

廣州大典

陳建華 曹淳亮 主編

廣州大典

58

第三輯·粵雅堂叢書
第二十冊

廣州出版社

目錄

蜀中名勝記三十卷	明曹學佺撰	一
晉宋書故一卷	清郝懿行撰	三四〇
補宋書刑法志一卷	清郝懿行撰	三六八
補宋書食貨志一卷	清郝懿行撰	三八五
姑溪居士文集五十卷後集二十卷	宋李之儀撰	四〇三
授堂文鈔八卷	清武億撰	七二七
南北朝文鈔二卷	清彭兆蓀輯	八三五

蜀中名勝記

蜀中名勝記目錄

卷之一

川西道

成都府一

成都縣 附郭

華陽縣 附郭

卷之二

成都府二

成都縣

蜀中名勝記目錄

卷之三

成都府三

成都縣

華陽縣

卷之四

成都府四

成都縣

華陽縣

卷之五

成都府五

新都縣

雙流縣

郫縣

新繁縣

溫江縣

彭縣

崇寧縣

蜀中名勝記目錄

二 粵雅堂叢書

卷之六

成都府六

灌縣

卷之七

成都府七

崇慶州

新津縣 屬崇慶州

茂州

汶川縣 屬茂州

卷之八

威州

保縣 屬威州

成都府八

金堂縣

簡州

仁壽縣

井研縣

資陽縣

蜀中名勝記目錄

三 粵雅堂叢書

資縣

內江縣

卷之九

成都府九

漢州

什邡縣

德陽縣

綿竹縣 俱屬漢州

綿州

卷之十二

上川南道

眉州 直隸

青神縣

彭山縣

丹稜縣

卷之十三

上川南道

邛州 直隸

蜀中名勝記目錄

五

卷之十四

大邑縣

蒲江縣

上川南道

雅州 直隸

名山縣

榮經縣

蘆山縣

卷之十五

下川南道

敘州府

宜賓縣附郭

南溪縣

長甯縣

富順縣

慶符縣

筠連縣

高縣

蜀中名勝記目錄

六
粵雅堂叢書

珙縣

興文縣

隆昌縣

下川南道

瀘州直隸

江安縣

納溪縣

合江縣

卷之十七

上川東道

重慶府一

巴縣附郭

江津縣

璧山縣

永川縣

榮昌縣

大足縣

卷之十八

蜀中名勝記目錄

七
粵雅堂叢書

重慶府二

合州

銅梁縣

定遠縣俱屬合州

安居縣

碭江縣

南川縣

長壽縣

卷之十九

重慶府三	涪州	武隆縣	彭水縣 俱屬涪州	黔江縣	忠州	豐都縣	墊江縣 俱屬忠州	卷之二十	蜀中名勝記目錄	遵義道	遵義府	遵義縣 附郭	桐梓縣	仁懷縣	真安州	綏陽縣 屬真安州	卷之二十一	下川東道
										八								
										粵雅堂叢書								

夔州府一	奉節縣 附郭	卷之二十二	夔州府二	巫山縣	卷之二十三	夔州府三	達州	東鄉縣	蜀中名勝記目錄	太平縣 俱屬達州	新甯縣	梁山縣	萬縣	雲陽縣	開縣	大甯縣	大昌縣	建始縣
										九								
										粵雅堂叢書								

卷之二十四

川北道

保甯府一

閬中縣 附郭

蒼溪縣

南部縣

廣元縣

昭化縣

卷之二十五

蜀中名勝記目錄

十
粵雅堂叢書

保甯府二

巴州

通江縣

南江縣 俱屬巴州

卷之二十六

保甯府三

劍州

梓潼縣 屬劍州

卷之二十七

川北道

順慶府一

南充縣 附郭

西充縣

卷之二十八

順慶府二

廣安州

岳池縣

渠縣

蜀中名勝記目錄

十一
粵雅堂叢書

鄰水縣

大竹縣 俱屬廣安州

蓬州

營山縣

儀隴縣 俱屬蓬州

卷之二十九

川北道

潼川州一 直隸

射洪縣

卷之三十

潼川州二

蓬溪縣

中江縣

遂寧縣

鹽亭縣

安岳縣

樂至縣

蜀中名勝記目錄

三
粵雅堂叢書

蜀中名勝記卷之一

閩中曹學佺能始著

川西道

成都府一
成都華陽二縣附郭

華陽國志蜀之爲國肇於人皇與巴同囿至黃帝爲其子昌意娶蜀山氏之女生子高陽是爲帝嚳封其支庶於蜀世爲侯伯歷夏商周武王伐紂蜀人與焉尙書牧誓庸蜀羌髳是也有周之世限以秦巴雖奉王職不得與春秋盟會君長莫同書軌周失綱紀蜀先稱王有蜀

蜀中名勝記卷二

一
粵雅堂叢書

侯蠶叢其目縱始稱王次王曰柏灌次王曰魚鳧又次後有王曰杜宇始稱帝號曰望帝更名蒲卑治郫邑或治瞿上後傳位于其相開明開明位號曰叢帝叢帝生盧帝盧帝生保子帝九世始傳開明尙焉開明尙自夢郭移乃徙治成都揚雄蜀本紀云蜀王據有巴蜀之地本治廣都樊鄉徙居成都者也巴與蜀讐求救于秦秦惠王二十七年遣張儀與司馬錯等滅蜀遂置蜀郡儀築成都以象咸陽修整里闔市張列肆規制廣備故左思蜀都賦云金城石郭兼而中區旣麗且崇實號成都

矣其地東接于巴南接于越北接于秦西奄峨岷地稱天府原曰華陽漢武帝元朔二年以新啓犍爲牂柯越嶲三郡疆壤益廣始稱益州初治廣漢之雒縣後乃徙此李固與弟圖書曰固今年五十七鬢髮已白所謂容身而遊滿腹而去周觀天下獨未見益州耳昔嚴夫子常言經有五涉其四州有九遊其八欲類此子矣王莽篡盜改天下郡守爲卒正又改蜀郡爲導江遷公孫述爲導江卒正治臨邛後據成都稱帝具置百官造十層赤樓東觀漢記曰公孫述造十層赤樓也于是改益州

蜀中名勝記卷一

二 粵雅堂叢書

爲司隸蜀郡爲成都尹矣建武光復二百餘載迄于孝靈王室多故劉焉求益州牧以避世難始治綿竹後徙成都先主代劉璋而有之卽位于武擔之南典略曰元德于是起館舍築亭障從成都至白水關四百餘區也後主建興二年以丞相亮開府領益州牧亮卒拜尙書令蔣琬爲大將軍領益州刺史蜀亡晉太康初乃屬王國號曰成都內史永嘉之難沒于夷獠成都記云府治北三里許有李特所築赤塗城十六國春秋曰李雄定成都以嚴璜爲蜀郡太守及卽位遷璜益州刺史是矣

桓溫西伐李勢出降劉義慶世說云宣武平蜀集參僚置酒于李勢殿巴蜀縉紳莫不來萃桓旣素有雄情爽氣加爾日音調英發敘古今成敗由人存亡繫才其狀磊落一坐歎賞焉永和之際周撫爲蜀郡太守四十餘年境土粗安王逸少與周益州書云省足下別疏具彼土山川諸奇揚雄蜀都左太冲三都殊爲不備悉彼故爲多奇益令其遊目意足也可得果當告卿求迎少人足耳至時示意遲此期真以日爲歲但言此心已馳于彼矣又云吾有七兒惟一小者未婚過此便得至彼得

蜀中名勝記卷一

三 粵雅堂叢書

果此緣一段奇事也梁武陵王始封入蜀元帝與之書云蜀中斗絕易動難安弟可鎮之吾自當滅賊又別紙云地擬孫劉各安境界情深魯衛書信常通良所託重也蕭紀反戈東下以地降于西魏再折入周至隋開皇始定之封其子秀作鎮于茲營修宮室成都記曰隋蜀王秀嘗造一殿飛鳥不止其上此其凡耳後竟被徵唐初開國太宗以秦王建益州臺遙領之而已貞觀十年分成都縣之東偏置蜀縣在郭下明皇西幸駐蹕成都始改蜀縣爲華陽而成都華陽二縣從此分矣○按今

成華二縣與蜀邸護衛尺籍繡錯不能細爲分析大較西門者屬成都東門者屬華陽而南北門則成都有三分之二華陽居其一焉予觀揚子雲答劉子駿書有少時所作成都城四隅銘則今之東西南北四門頗爲近古西門者古之宣明門也南門者古之江橋門也東門者古陽城門北門者古咸陽門也李膺益州記云最東曰陽城門次西曰宣明門蜀時張儀樓卽宣明門樓也重閣複道跨陽城門故太冲賦云結陽城之延閣飛觀榭乎雲中矣江橋者大江水所經也稍西爲市橋曰市

蜀中名勝記卷一

四

粵雅堂叢書

橋門以漢舊州市在此橋南橋下卽石犀所潛淵亦曰石牛門故曰少城南面有三門焉咸陽門者秦惠王二十五年蜀侯惲賜死封其子綰爲蜀侯初蜀人葬惲郭外綰聞惲無罪乃使使迎喪入葬之郭內喪車至城北門忽陷入地中蜀人因名北門曰咸陽門矣○成都縣本治赤里街秦守張若徙入少城內少城者子城也惟西南北三壁東卽大城之西墉故蜀都賦云亞以少城接于其西矣周地圖記云初張儀築城城屢壞不能立忽有大龜出于江周行旋走巫言依龜行處築之城乃

得立所掘處成大池龜乃伏于中龜每出則州境有賊刺史或病卽此城也漢元鼎二年大城立九門少城立九門故有十八郭之稱而郡縣多城觀矣○太城者今南門城也李石詩序云張儀司馬錯所築太城自秦惠王乙巳歲至紹興壬午一千四百七十八年雖頽圯所存如斷壁峭立亦學舍一奇觀云學舍在南則太城可知矣○少城者西南之間今之錦江樓也古今集記錦樓在龜城上前臨大江下瞰井邑西眺雪嶺東望長松白敏中嘗賦詩于其上舊記謂路巖所建非也巖在敏

蜀中名勝記卷一

五

粵雅堂叢書

中之後矣范成大詩註云少城張儀所築子城也土甚堅橫木皆朽有穿眼土相著不解散予按王右軍法帖往在都見諸葛顯曾見問蜀中事云成都城門屋樓觀皆是秦時司馬錯所修令人遠想慨然具示爲廣異聞○華陽國志張儀張若城成都周迴十二里高七尺造作下倉上皆有屋而置樓觀射闌又營廣府舍置鹽鐵市官并長丞皆與咸陽同制更于夷里橋南立錦官錦官者猶合浦之有珠官也西又有車官城其城東西南北皆有軍營壘城焉按此皆從西南隅論耳蜀漢昭烈

卽位于武擔之南當在城之正中今蜀藩是也隋之摩訶池僞蜀之宣華苑皆在其內昔諸葛武侯以丞相開府領益州牧故晉益州刺史治太城其制因之亦唐節度使宋制置使所稱建牙交戟地矣蜀太守治少城故昔之郡治因焉西門直街鼓樓卽宋銅壺閣也陸游記云閣南直西川門西北距府五十步乃蔣堂知益州伐江濱廟材所創吳栻范成大相繼而侈張之爲成都巨觀書於史又吳師孟修西樓記云西樓直府寢之北每春月花時大帥置酒高會參佐於其下五日復縱民遊

蜀中名勝記卷一

六 粵雅堂叢書

觀宴嬉西園以爲歲事然止得造其廡序而已合此二說則府治爲西門無疑相沿蜀郡太守之故址也今乃益遜而北蓋不敢與藩邸抗于是斥北城之地以居故武擔山昔在城外而今在城內陸務觀有游武擔村落詩可證矣轉運使今之藩司也鈐轄使今之閫司也運司昔在城東有玉溪堂卽僞蜀權臣故宅今藩司在城北閫司相沿如故若提刑漕使卽今之守巡使者散在諸路是其職居位置皆有不同如此○南門之勝如石室石犀巖真觀江濱池七星橋昭烈武侯祠其最著者

○華陽國志云始文翁立文學精舍講堂作石室一作玉室在城南永初後堂遇火太守陳留高朕更修立又增造二石室李知幾云西爲文翁稍南爲高朕比文翁石室差大皆有石像矣樂史寰宇記云文翁學堂一名周公禮殿方輿勝覽云前代以周公爲先聖至唐貞觀始從房元齡等議更祀孔子開元冊諡文宣王位南嚮自是號文宣王殿而周公之祀遂廢然公舊像猶存帥袁說友乃爲殿祀之按上南志以武侯征西南夷而夢見周公故敕所在祀周公也任豫益州記云禮殿其欒

蜀中名勝記卷一

七 粵雅堂叢書

欂櫨節制猶古建南基高六尺廈屋三間通皆圖畫古人之像及禮器瑞物堂西有二石室繫年錄云紹興六年成都敎授范仲爰奏疏言本府學殿建于東漢之初平漢人以大隸記其修築歲月刻于東楹至今九百四十三年蓋天下棟宇之古無過于此者按歐陽修集古錄以周公禮殿記蔡邕所書也范鎮云其柱鍾會隸書刻其上李知幾十詠詩說會與鄧艾同人蜀在咸熙元年甲申距漢獻興平元年甲戌凡七十一年矣會蓋追文翁高君之美而書也趙明誠金石錄跋云右漢周公禮

殿記者今成都府學有漢時所建舊屋柱皆正方上狹下闊此記刻在柱上靈帝初平五年立距今蓋千年矣其字畫完好可讀當時石刻在者往往磨滅此記託于廡楹乃與金石爭壽亦異矣記有云甲午年故府梓潼文君增造吏舍二百餘間按華陽國志有文參字子奇梓潼人平帝用爲益州太守不從王莽公孫述光武嘉之疑此記所載卽其人也蓋光武建武十年歲次甲午云○唐盧照鄰文翁講堂詩錦里淹中館岷山稷下亭空梁無燕雀古壁有丹青槐落猶疑市苔深不辨銘良

蜀中名勝記卷一

八 粵雅堂叢書

哉二千石江漢表遺靈岑參詩文公不可見空使蜀人傳講席何時散高臺豈復全豐碑文字滅冥漠不知年裴鏘詩文翁石室有儀刑庠序千秋播德馨古柏尚留今日翠高岷猶藹舊時青人心未肯拋羶蟻弟子依前學聚螢更歎池江無限水爭流祇願到滄溟宋李石詩來爲人所愛去爲人所思君看文與高慈惠蜀之師至今室中像凜凜建立時知非伯有石定是桐鄉祠蜀人愛二公遠與千載期宋京蜀事補亡詩君不見西漢文翁爲蜀守蜀學不居齊魯後諸生競欲保翁名石室鐫

磨貴難朽東漢高公又幾時爲作石室還如茲至今二室堅且久文公高公名不衰喻汝礪謁文公堂詩綠荻負幽隱高槐泛輕涼各誇一時好披風互低昂詎知五月中微陰忽催黃我行魯侯宮獨謁文翁堂若人骨已朽道在斯不亡遂令蜀文章照耀日月傍世事俱腐臭斯文真久長靡頽能幾時蕭條翳墟荒富貴豈不好千載同一傷三歎爲何人撫已涕自滂○寰宇記云石室司馬相如教授于此从者數千人按秦宓引地里志文翁倡其教相如爲之師漢家得士盛于其世矣金石錄

蜀中名勝記卷一

九 粵雅堂叢書

云石室又有左右生題名碑或云江陽甯蜀遂甯晉原以晉志攷之江陽蜀漢置此郡甯蜀遂甯晉原皆是宣武平蜀後置范蜀公云西漢時諸生姓名文學祭酒典學從事各一人司儀主事各一人左生七十三人右生三十人可攷者僅百許人按集古錄謂爲晉宋間碑矣王象之輿地碑目云大周總管太學碑益州刺史齊國公宇文憲立益州州學廟堂頌唐神龍二年史肅撰益州館學廟堂記永徽元年賀公亮撰益州孔子廟堂碑開元中周灝撰唐明皇追諡孔子冊文宋太平興國五

年府尹辛仲甫立石又云石室贊大厯十年維州刺史鄭藏休撰殿中侍御史李樞篆益州文宣王廟碣會昌五年裴儋撰趙明誠唐益州學館廟堂記跋云成都縣令顏有意書撰人題法曹陳王文學太子詹事待詔宏文館陵州長史而姓名殘缺不可辨集古錄直以爲有意撰非也碑陰載當時官僚姓名後人題云此記賀遂亮撰未知果否繫年錄云宋高宗皇帝御書大成殿榜紹興六年賜成都府學從教授范仲爰所請也成都記云僞蜀孟景有國其相毋昭裔刻孝經論語爾雅周易

蜀中名勝記卷一

十
粵雅堂叢書

尙書周禮毛詩禮記儀禮左傳凡十經于石其書丹則張德釗楊鈞張紹文孫逢吉朋吉周德貞也石凡千數盡依大和舊本厯八年乃成公穀則有宋田元均時刻古文尙書則晁公武所補也胡元質宗愈作堂以貯之名石經堂在府學按已上諸刻今皆不存所存者孔門七十二子像又近時摹宋本而刻者人物衣褶差有古意石經禮記數段流落在合州賓館中李陽冰篆書之碑陰子友范洎見而爲子言之○石犀寺一名石牛寺華陽國志周顯王之世蜀王有褒漢之地因獵谷中與

秦惠王遇惠王以金二笥遺蜀王王報以珍玩之物物化爲土惠王怒羣臣賀曰天奉我矣王將得蜀土地惠王喜乃作石牛五頭朝瀉金其後曰牛便金有養卒百人蜀人悅之使使請石牛惠王許之乃遣五丁迎石牛旣不便金怒遣還之乃嘲秦人曰東方牧犢兒秦人笑之曰吾雖牧犢當得蜀也輿地志云鄧艾廟南有石牛卽秦惠王遺蜀王者水經注西南石牛門曰市橋吳漢入蜀自廣都令輕騎先往焚之橋下謂之石犀淵李冰昔作石犀五頭以厭水精穿石犀渠于南江命之曰犀

蜀中名勝記卷一

十
粵雅堂叢書

牛里後轉犀牛二頭在府中一頭在市橋一頭沈之于淵也今寺正殿階左有石蹲處狀若犀然額曰聖壽寺古之龍淵寺也迺晉王羽宅後捨爲寺改名龍淵佛殿有水眼如井云與海通高僧傳晉惠持到蜀止金淵精舍是矣其後改名空慧隋賜蜀王秀竹園六十頃此地屬焉唐儀鳳二年敕天下七寺建塔立石柱二度僧嘗七百人此其一也會昌中廢至大中元年李回重建摹萬里橋南元和聖壽寺額豎此故曰聖壽寺字則僖宗御書也寺有尊勝咒石幢高七尺圍四尺太和中馬季

武行書我明嘉靖中掘地得之○唐岑參石犀詩江水初蕩瀾蜀人幾爲魚向無爾石犀安得有邑居始知李太守伯禹亦不如杜甫石犀行君不見秦時蜀太守刻石立作三犀牛自古雖有厭勝法天生江水向東流蜀人矜誇一千載泛溢不近張儀樓今年灌口損戶口此事或恐爲神羞終藉隄防出眾力高擁木石當清秋○益州記曰雁橋東有嚴君平卜處土臺高數丈祝穆方輿勝覽云龜城水中出金雁因謂之雁橋也錦里耆舊傳曰嚴君平宅卜肆之井猶存今爲嚴真觀道教靈驗

蜀中名勝記卷一

主

粵雅堂叢書

記云成都卜肆支機石卽海客攜來自天河所得織女令問嚴君平者也太尉燉煌公好奇尙異命工人鐫取支機一片欲爲器用椎琢之際忽若風簷墜于石側如此者三公知其靈物乃已之至今所刻之迹在焉復令穿掘其下則風雷震驚咫尺昏曉遂不敢犯唐張九齡送姚評事入蜀賦得卜肆詩云蜀嚴化已久沈冥空所思嘗聞賣卜處猶憶下簾時驅傳應經此懷賢儻問之歸來說往事慙慙偶心期岑參卜肆詩君平曾賣卜卜肆燕已久至今杖頭錢時時地上有不知支機石還在

人間否鄭世翼君平古井詩嚴平本高尚遠蹈古人風賣卜成都市流名大漢中舊井改人世寒泉久不通年多旣罷汲無禽乃遂空如何屬秋氣惟見落雙桐宋呂光弼詩卜肆垂簾地依然門徑開沈冥時已往思慕客猶來鳥啄虛簷壞狐穿古井摧空餘舊機石歲歲長春苔喻汝礪游嚴真觀見壁上有記古鼎丹砂事因述以詩云古木共幽意長廊亦肅如於焉步逍遙且復散衣裾塵慮颯已空道心頗閑舒不知度世人去此歲幾徂云何有丹砂尙爾留庭隅支機亦悠哉誰復訂有無我

蜀中名勝記卷一

主

粵雅堂叢書

知此公意慨彼元鼎初繼之五鳳間斯民斃刀鋸聊欲謝世網歛以道自娛抱獨理自會曠懷遺所拘初匪逃世人而世自我疎舍默念斯理起我憂患餘宋京補亡詩云君不見莊遵賣卜成都市市中仙隱無人值百錢度日復何求猶有沈冥見文字不因問著牛女星下世安能知姓名雲中雞犬拔家去舊宅寂寞秋燕平桴機石在年年長藥鼎空留閉黃壤前時發掘篆籀新明水神丹光滉漾金雁橋邊臺觀存神仙遺事渺難論安得先生爲我卜俗骨庶可窺天閭○括地志云江濱祠在

成都縣南上四里漢郊祀志云秦并天下立江水祠於蜀至今歲祀之按廣雅江神謂之奇相江記云帝女也卒為江神矣漢舊儀云祭四瀆用三牲圭沈有車馬紺蓋以夏之日觴焉按陸游江瀆廟碑云成都自唐有江瀆廟其南臨江及後節度使高駢大城成都廟與江始隔馮浩設廳記云廟前臨清池有島嶼竹木之勝紅葉夏發水碧四照為一州之觀田况成都遨樂詩伏日宴江瀆祠避暑因遊江瀆池此會起于文潞公也宋祁集江瀆池詩云五月追涼地滄江剩素漣林煙昏岸日樓

蜀中名勝記卷一

西

粵雅堂叢書

影壓池天篠密工迷徑荷欹巧避船機忘更何事魚鳥亦留連又飛檻枕溪光歡言客徧觴暫雲銷樹影驟雨發荷香辛白橙蒸熟庖刀鱸縷長蘋風如有意盈枉借浮涼又溪淺容篙短舟移覺岸長烟稠菱荷葉霞熟荔支房技疊三槌鼓杯寒十饋漿便成逃暑醉官事底相妨又九月十日宴江瀆亭詩節去歡猶在賓來賞更延悠揚非短日淒緊乍寒天霽沼元非漲秋花自少妍蟻留新獻耐蕙續不殘烟戲鯉衝餘藻游龜避折蓮流芳真可惜從此遂周年○華陽國志云蜀江眾多作橋故

蜀立里多以橋為名西南兩江有七橋直西門郫江中冲治橋西南石牛門曰市橋城南曰江橋南渡流曰萬里橋西上曰夷里橋上里竿橋橋從冲治橋西出折曰長昇橋揚雄蜀記云星橋上應七星也李冰所造按七星橋者一長星橋今名萬里二員星橋今名安樂三璣星橋今名建昌四夷星橋今名竿橋五尾星橋今名禪尼六冲星橋今名永平七曲星橋今名昇仙此李膺所記矣今南門江洲中有金沙寺其處俗呼為七星灘也後漢書世祖謂吳漢曰安軍宜在七橋連星間按漢自

蜀中名勝記卷一

五

粵雅堂叢書

廣都乘勝進逼成都與其副劉尚南北相望夾江為營浮橋相對公孫述使謝豐揚軍市橋出漢後襲破漢營馬落水緣馬尾得出入壁命將夜潛渡江就尙擊豐斬之於是水之陰焉今正南門外者乃江橋耳水經注云南江橋亦曰安樂橋在城南二十五步宋孝武以橋為安樂寺改名安樂橋十六國春秋李特將起童謠云江頭橋闕下李成都北門十八子卽此橋也南上為萬里橋亦名篤泉橋橋之南有篤泉矣蜀使費禕聘吳丞相亮祖之歎曰萬里之行始於今日故曰萬里橋唐岑參